



# Lerato la Mafahlana



**Evah Tukisi**





Warena le Waka ke mafahlana. Ba rata go  
bapala. Waka o sepela ka setulothethi.





Warena o rata go kgorometša Waka  
ka setulothethi. Warena ga a rate go  
kgorometšwa. O rata go ikemela. Ke  
Labobedi, pula e nele. Go na le mouwane.



Warena o kgorometša Waka. Ga a bone melete mo pele ga setulothethi.







Leotwana la setulothethi la pele la wela ka gare ga molete. Waka a wela fase.



“Bona Warena! Ke wele. Ke ka lebaka leo ke sa ratego go kgorometšwa.”





Warena o leka go emiša Waka. Waka o a gana.



Waka o leka go ema. O gogela setulothethi go yena.





O šomiša matsogo go namela godimo ga setulothethi.



“Ijoo! Warena, ke nametše ka noši!” A binabina godimo ga setulothethi.







Warena a binabina kgauswi le Waka. A mo fošetša bolo. Warena a e kama, a e fošetša morago.



Mafahlana a thabela go ikemiša ga Waka.  
Ba fošetšana bolo, Waka a ikgorometša.

